

76 fellssýslu eptir því 296 kr. 6 aur., og er þetta sú upphæð, sem amtið hefir 5. júlí. lagt til að greidd verði úr búnaðarskólasjóði suðuramtsins.

Fyrir því skal jeg, um leið og jeg að öllu leyti fellst á tillögur amtsins í ofan nefndu brjefi, þjónustusamlega skora á yður, herra amtmaður, að greiða af fje suðuramtsins, sem hluta Austur-Skáptafellssýslu, 296 kr. 6 aura, annaðhvort í peningum, eða með einhverju skuldabryjefi búnaðskólasjóðs suðuramtsins, eptir samkomulagi við amtmanninn í norðuramntinu og austuramntinu, er jeg í dag hefi tilkynnt innihald brjefs þessa.

77 **Brjef landshöfðingja til stíptisyfirvaldanna um lántökuleyfi handa prestakalli** 17. júlí. **til kirkjubyggingar** (ágríp). — Með brjefi þessu var leyft, að presturinn að Auðkúlu í Húnavatnsprófastsdæmi, síra Stefán Jónsson, tæki 600 kr. lán til 20 ára handa tjeðu prestakalli til endurbyggingar Auðkúlukirkju, þannig, að lánið endurborgist af tekjum prestakallsins, að svo miklu leyti, sem tekjur kirkjunnar hrökkva eigi til.

78 **Brjef landshöfðingja til amtmannsins í suðuramntinu og vesturamntinu um** 20. júlí. **rjett fjelaga, sem útlendingar eiga hlut í, til veiðiskapar í landhelgi o. fl.** — Með þóknanlegu brjefi, dags. 14. þ. m., hafid þjer, herra amtmaður, sent hingað með ýtarlegum ummælum yðar erindi frá ráðanaut innanrikistjórnarinnar í fiskiveiðamálum, kapteini í sjóliðinu Fr. Drechsel, þar sem hann fyrir hönd fiskiveiðafjelagsins »Dan« í Kaupmannahöfn, er byrjaði fyrir 2 árum að reka fiskiveiðar hjer við land, beiðist úrlausnar á þessum spurningum:

1., hvort nokkuð sje því til fyrirstöðu, að tjeð fjelag reki fiskiveiðar í landhelgi, þótt nokkrir enskir þegnar eigi hluta í því, án þess að nöfn þeirra sjeu tilgreind á hlutabryjefunum, og

2., hvort fjelagið megi í sameiningu við enska fiskiveiðafjelagið »Anglo-Norwegian Company« hafa skip liggjandi á Önundarfirði og nota það til geymslu á is, er skyldi hafður til að varðveita aflann, svo að hann geti orðið fluttur út nýr, eða hvort fjelagið »Dan« megi ekki, ef þetta væri óleyfilegt, hafa sitt eigið skip liggjandi á Önundarfirði til isgeymslu handa skipum sínum og til þess að selja enska fjelaginu is.

Út af þessu skal yður þjónustusamlega tjáð, að jeg er yður samdóma um, að samkvæmt því sem fyrir er mælt í opnu brjefi 7. marz 1787, 2. og 3. gr. (sbr. tilsk. 13. júní 1787, I, 2. og 10. gr.) og lögum 19. júní 1888 um síldarveiði fjelaga í landhelgi, sbr. einnig stjórnarbrjef 14. apríl 1882, sje fiskiveiðafjelaginu »Dan« ekki leyfilegt að reka fiskiveiðar í landhelgi, meðan utanríkismenn eiga hlut í því, hvort sem eigendur hlutabryjefanna eru nafngreindir eða ekki, en að jeg hins vegar gagnvart fyrirmælum tilsk. um fiskiveiðar útlendra við Ísland o. fl. 12. febr. 1872 í 2. gr., sem að eins banna útlendum fiskimönnum að flytja afla sinn í land, hvort sem það er upp á sjálfa ströndina eða í

eyjar eða hólma við strendurnar til að verka hann þar, en aptur á móti banna þeim ekki að flytja afla, sem þeir hafa fengið fyrir utan landhelgi, inn fyrir hana og verka hann á skipum eða búa hann út til útflutnings á annan hátt, t. a. m. salta hann í tunnur, leggja hann í is, eða skipa honum í önnur skip, ekki get álitíð óleyfilegt, að ofanefnt fiskiveiðafjelag, hvort heldur eitt saman eða í sameiningu við annað útlent fiskiveiðafjelag, hafi ísgeymslu í skipi, sem liggur í landhelgi, til afnota við fiskiveiðar sínar.

Auglýsing

um breyting á yfirsetukvennaumdæmum í Skagafjarðarsýslu
(sbr. Stj.tíð. 1889 B. bls. 149—151).

79
19. júlí.

Samkvæmt ályktun amtsráðsins í norðuramtinu 12. þ. mán., verður skipun yfirsetukvennaumdæma í Skagafjarðarsýslu austan Hjeraðsvatna þannig:

1. Austur-Fljót og Barðstorfan með Haganesi; takmörk að austan eru um Hofsvatn, Akraós og Tíðaskarð.
2. Vestur-Fljót og Sljettuhlíð að utanverðu að Hrolleifsdalsá.
3. Sljettuhlíð frá Hrolleifsdalsá inn að Undhóli; Ósland er þá innsti bærinn í því umdæmi.
4. Hofshreppur frá Undhóli, Hólahreppur og Viðvíkurhreppur að bæjunum Enni, Narfastöðum og Lóni; Bakki og Lækur eru þá innstu bæir í því umdæmi.
5. Viðvíkurhreppur frá Enni, Akrahreppur að Djúpadalsá og Hegranesið.
6. Akrahreppur frá Djúpadalsá.

Umdæmin austan vatna verða þannig 6, en voru áður 5. Vestan vatna verður sama niðurskipun á umdæmunum, sem áður var, þannig einungis, að 6. umdæmið verður hið 7. o. s. frv.

Skrifstofu norðuramtsins, 19. júlí 1894.

Kl. Jónsson.

settur.

Ágrip

80

af reikningi yfir tekjur og gjöld Thorkillii barnaskólasjóðs árið 1893.

Tekjur:

Kr. a.

1. Eptirstöðvar við árslok 1892:

a. Innritunarskirteini Ltra A. Fol. 87	kr. 28,500,00	
b. Skuldabryfjef einstakra manna	— 36,910,89	
c. Í sparisjóði Reykjavíkur	— 2,178,67	
d. Útistandandi Vextir	— 32,00	
e. Í peningum	— 401,13	68022 69
		<u>Flyt: 68022 69</u>